



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

An Michael, Gabriel, & Raphael, sint nomina ordinum vel spirituum. D. E. F

urn:nbn:de:hbz:466:1-38829

quoniam ea quæ præminēt, vsum exterioris officii nunquā habēt. His autoritatib⁹ innituntur, qui angelos mitti, nisi inferiores inficiantur.

Obiectio contra illos.

Quib⁹ obiicitur, q̄ Esaias ait: Volauit ad me vnus de Seraphin: qui ordo superior, & est excellēti⁹. Ideoque si de illo ordine mittuntur, non est ambigēdum, quin etiam & de aliis mittantur. Apostolus quoq̄ ait: Omnes sunt administratores spiritus in ministerium missi. His testimoniis asserunt quidam omnes angelos mitti. Nec debet indignū videri si etiā superiores mittantur, cum & ille q̄ creator est oīum, ad hæc inferiora descēderit.

Questio, Si omnes mittuntur, cur vnus tantū ordo nomine angelorum censetur.

Hic oritur questio: Si omnes mittuntur & nunciū Dei existunt, quare vnus tantum inter nouem ordines, angelorum nomine censetur? Ad q̄ quidā dicunt, omnes quidē mitti, sed alios sep̄, & quasi ex officio iniuncto, qui ppriè angeli, vel archangeli nominantur; alios vero rarius mitti, scilicet, maiores, causa extra communē dispēsationē oborta: q̄ cum angelorum ministerium suscipiunt, etiā nomē assumunt. vnde in Psalm. Qui fecit angelos suos spirit⁹ & ministros: quia illi qui natura spiritus sunt, aliquādo angeli, id est, nuncii fiunt.

Putant quidam Michael, Gabriel, Raphael de superiori ordine fuisse: & sunt nomina spirituum, & non ordinum.

Et putant illi, Michael, Gabriel, Raphael de superiori ordine fuisse. Michael interpretatur, q̄s vt Deus; Gabriel, fortitudo Dei: Raphael, medicina Dei: nec sunt ista nomina ordinum sed spirituum. Et dicunt quidē singulū horum vni⁹ ppriè ac singulariter spirit⁹ esse nomē. Alii vero, nō vni⁹ singulariter & determinatè, sed nunc huius nunc illius esse nomē, secundum qualitatem eorum ad q̄ nuncianda

Greg. hom.

34 lib 4.

Homil. in Eua

angelia pass

medium.

Esaiæ 6. c.

Greg. ibid.

continuo,

Heb. 1. d

Responso

quorūdam

Psalm. 103

Greg. hom.

34. ad c. 15.

Luc. circa

medium.

cianda vel gerenda mittuntur: sicut & dæmonum
quædam nomina sint, quæ quidam putant esse vni
propria, alii vero pluribus communia. Diabolus
quippe, qui Græce ita vocatur, & criminator in-
terpretatur vel deorsum fluens, Hebraice dicitur
Sathan, id est, aduersarius. Dicitur & Belial, id est,
apostata & absque iugo, dicitur etiam Leuiathan,
id est additamentum eorum: & alia plura repe-
ries nomina, quæ vel vnius spiritus sunt propria,
vel pluribus communia.

Luc. 10. c.
2. Cor 6. c.
Iob. 40.

*Quomodo determinent predictas auctoritates,
qua videntur aduersari, qui dicunt
omnes angelos mitti.*

Qui autem omnes angelos mitti asserunt, præ-
dictas auctoritates, Danielis scilicet, & Dionysii,
ita determinant. Dicuntur superiora agmina Deo
assistere, & ab intimis nunquam recedere: non quia
aliquando mittantur, sed quia rarissime ad exte-
riora prodeunt: neque tunc ab intimis recedunt,
sed Dei præsentia, & contemplationi semper assi-
stunt: quæ etiam faciunt qui frequenter mittuntur.

Greg. hom.
34. ad c. 15.
Lucæ post
medium.

*Quos alii dicant mitti, & quos dicant non mitti,
tum determinatione auctoritatum,
qua videntur sibi aduersari.*

Alii vero dicunt tres ordines supremos, scilicet
Cherubin, Seraphim, & Thronos, ita creatori assi-
stere, quæ ad exteriora non exeunt: Inferiores autem
tres ad exteriora mitti: tres vero medios inter v-
trosque consistere, non modo dignitate vel loco, sed
etiam officio: quia præceptum diuinum à superioribus
accipiunt, & deferunt ad inferiores. Ideoque cum
supremi medius, & medii imis, atque hi omnibus præ-
ceptum Dei nuntiēt, merito omnes angeli nomi-
nari debent. Et ob id forte Apostolus ait: Omnes spi-
ritus administratores esse filii, & mitti in ministere-
rium: & per omnes non singulos ordines, sed de in-
ferioribus ordinibus singulos angelos complexus
est. II.

Dionys. 13.
ca. 1. de his-
tarchia in
princ.
Greg. hom.
34. ad c. 15.
Lucæ post
medium.

est. Illud vero quod Esaias ait, per verba Dionysij determinant dicentes: Hi spiritus qui mittuntur, percipiunt horū vocabulum, quorum gerūt officium. Vnde dicunt illum angelum, qui missus est ad Esaiam vt mundaret & incenderet labia Prophetæ, fuisse de ordine inferiorum. Sed ideo dict⁹ est fore de Seraphin, quia veniebat incendere, & consumere delicta Esaiæ.

QVOD QVÆQVE ANIMA HABET
angelum bonum ad sui custodiam delegatum, & ma-
lum ad exercitium.

DISTINCT. XI.

A

Illud quoq; sciendum est, quod angeli boni deputati sunt ad custodiam hominum, ita vt quisque electorum habeat angelum ad sui profectum atque custodiam specialiter delegatum. Vnde in Euangelio veritas à pusillorū scandalo prohibens ait. Angeli eorum semper vident faciem patris. Angelos dicit eorum esse, quibus ad custodiam deputati sunt. Super quem locum Hieron. tradit, vnamquamque animam ab exordio natiuitatis habere angelum ad sui custodiam deputatum, in- quiens ita: Magna dignitas animarum est, vt vnâqueq; habeat ab ortu natiuitatis in custodiam sui angelū delegatum. Greg. quoq; dicit: Quod quisque bonū angelū sibi ad custodiam deputatum, & vnum malum ad exercitiū habet. Cum. n. omnes angeli boni nostrum bonum velint, cōmuniterq; salutem omnium studeāt, illē tamē qui deputat⁹ est alicui ad custodiā, eū specialiter hortatur ad bonū: sicut legitur de angelo Thobiz, & de angelo Petri in actibus Apostolorum. Similiter & mali angeli cum desiderēt malum hominem, magis tamē hominem ad malum incitat, & ad nocendū fortius instat ille, qui ad exercitiū ei⁹ deputat⁹ est.

*Matth. 18.
Tom. 9. Cō-
ment. ad 18.
cap. ad locū
quia angeli
eorum:
Matthæi.
Hugo de S.
Victore lib.
sententiarū.
Thob. 5. d. 6.
8. a.*

Vtrum singulis hominibus singuli angeli, an pluribus deputatus sit vnus.

Y

B
SOLET